

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-11804/21
Sarajevo, 29.7.2021. godine

Na osnovu člana člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE

I

Prihvata se preporuka Komisije za javnu nabavku radova i poništava se postupak javne nabavke - Izvođenje radova nadzidiivanja, dogradnje i opremanja OŠ “Behaudin Selmanović”, broj obavještenja 422-1-3-99-3-62/21, objavljeno na Portalu javnih nabavki dana 25.6.2021. godine i u “Službenom glasniku BiH” – Oglasnik javne nabavke broj 41/21 od 02.07.2021. godine, obzirom da nijedna od primljenih ponuda nije prihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-11804/21 od 23.6.2021. godine Općina Novi Grad Sarajevo pokrenula je otvoreni postupak javne nabavke – Izvođenje radova nadzidiivanja, dogradnje i opremanja OŠ “Behaudin Selmanović”, broj obavještenja 422-1-3-99-3-62/21, objavljeno na Portalu javnih nabavki dana 25.6.2021. godine i u “Službenom glasniku BiH” – Oglasnik javne nabavke broj 41/21 od 02.07.2021. godine.

Zapisnikom o otvaranju ponuda od 19.7.2020. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: 1. „Inggra“ d.o.o. Sarajevo, 2. „Sela“ d.o.o. Sarajevo.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Inggra“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.2 pod c) tehnička i profesionalna sposobnost. Naime, tačkom 3.4.2. pod c) tenderske dokumentacije tražen je dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera građevinske ili arhitektonske struke sa položenim stručnim ispitom i 5 /pet/ godina radnog iskustva u struci. Ponuđač je dostavio Listu osiguranih lica izdatu od Porezne uprave FBiH, Porezna ispostava Centar broj 13-9/2-12-45-1953-1/21 od 02.06.2021. gdje je vidljivo da je zaposleno lice na poslovima VSS-a kao i da je datum zaposlenja 10.02.2017.godine. Ponuđač je dostavio i Ugovor o radu od 09.02.2017.godine kao i CV svojeručno potpisan od strane zaposlenog lica. Na osnovu dostavljene dokumentacije Komisija nije mogla cijeniti kao prihvatljivu dostavljenu dokumentaciju kojom se dokazuje da zaposleno lice ima najmanje 5/pet/ godina radnog iskustva u struci, kako je to traženo navedenom tačkom tenderske dokumentacije.

Nadalje ponuđač ne ispunjava kvalifikacione uslove tražene tačkom 3.4.2. pod e) tederske dokumentacije - tehnička i profesionalna sposobnost odnosno ponuđač je dužan dostaviti Certificate o usklađenosti koji su traženi u specifikaciji za opremu, koji su prevedeni na bosanski (original ili ovjerena kopija). Ponuđač je dostavio certificate ali isti nisu ovjereni onako kako je to traženo navedenom tačkom tenderske dokumentacije već su priložene obične kopije dokumenata.

Komisija je utvrdila da ponuđač ne ispunjava kvalifikacione uslove tražene u tenderskoj dokumentaciji iz tački 3.4.2. e) i g) tehnička i profesionalna sposobnost gdje se navodi da je ponuđač dužan dostaviti Certificate o usklađenosti koji su traženi u specifikaciji za opremu, koji su prevedeni na bosanski (original ili ovjerena kopija) kao i da je potrebno za stavke u tehničkoj specifikaciji opreme dostaviti katalog sa detaljnim opisom – materijalizacijom artikla. Takođe u Obrascu za cijenu ponude (Aneks 3) – Specifikacija opreme na osnovu pedagoških standarda i općih normativa za osnovni odgoj i obrazovanje i normative radnog prostora, opreme, nastavnih sredstava i učila po predmetima u Generalnoj napomeni je navedeno da je ponuđač dužan dostaviti katalog za svaku stavku predmjera (sa detaljnim opisom – materijalizacijom artikla). Ponuđač nije dostavio Kataloški list sa opisom i materijalizacijom za opremu iz stavki 3, 4, 7, 8, 9, 10, 12, 13, 14, 15, 16, 17, 18 i 21 tenderske dokumentacije.

Nadalje ponuđač nije dostavio Certificate o usklađenosti koji su traženi u specifikaciji za opremu kako slijedi:

- Za stavku 1 – Poz K1 Kancelarijska stolica tip **nije dostavljen certifikat o testiranju** na vodootpornost prema standardu EN ISO 1021-1:2014 i testiranju na vatrootpornost EN ISO 1021-2:2014;
- Za stavku 2 – Poz K2 Konferencijska stolica **nije dostavljen certifikat/potvrda** da je stolica odgovara standardima za određivanje čvrstoće, trajnosti sjedenja i sigurnost sjedala i da bude otporna na kilažu odrasle osobe do 110kg;
- Za stavku 11 – Poz Š2 Školska **nije dostavljen certifikat/potvrda** da je stolica odgovara standardima EN 14322, EN 16893-1, EN 16893-2, ISO 7174-1, ISO 7173;
- Za stavku 19 – Poz Š11 Klupa školska jednosjed **nije dostavljen certifikat/potvrda** da oprema odgovara standardima EN 14322, EN 16893-1, EN 16893-2, ISO 7174-1, ISO 7173;

Na stranicama 71, 72 i 73 ponude je dostavljen certifikat i tehnički list za Laminiranu ploču koja zadovoljava standarde između istalog EN 14322 – tražene u stavkama 6 i 7, međutim Komisija nije mogla cijeniti da su ispunjeni zahtjevi u vezi sa opremom br.6 i 7 tačnije usaglašenost sa standardom EN 14322.

Iz naprijed navedenih razloga utvrđeno je da ponuđač „Inggra“ d.o.o. Sarajevo ne ispunjava uslove tražene u tenderskoj dokumentaciji iz tački 3.4.2 c), 3.4.2.e) i 3.4.2. g), te je ponuda odbačena shodno članu 68. stav (4) tačka i).

Komisija je utvrdila da ponuđač „Sela“ d.o.o. Sarajevo ne ispunjava kvalifikacione uslove tražene tačkom 3.4.2. pod e) tederske dokumentacije – tehnička i profesionalna sposobnost – odnosno ponuđač je dužan dostaviti Certificate o usklađenosti koji su traženi u specifikaciji za opremu, koji su prevedeni na bosanski (original ili ovjerena kopija). Certificate koji je ponuđač dostavio nisu ovjereni onako kako je to traženo navedenom tačkom tenderske dokumentacije već su priložene obične kopije dokumenata. Nadalje u Aneksu 3 – Specifikacija opreme na osnovu pedagoških standarda i općih normativa za osnovni odgoj i obrazovanje i normative radnog prostora, opreme, nastavnih sredstava i učila po predmetima u Generalnoj napomeni je navedeno da je ponuđač uz ponudu dužan dostaviti sve certificate koji su traženi za opremu, navedeni u specifikaciji. Komisija je konstatovala da u ponudi ponuđača nedostaju certificate za opremu kako slijedi:

ponuđač nije dostavio Certificate o usklađenosti koji su traženi u specifikaciji za opremu kako slijedi:

- Pozicija Š2 Školska stolica **nije dostavljen certifikat/potvrda** da je stolica odgovara standardima EN 14322, EN 16893-1, EN 16893-2, ISO 7174-1, ISO 7173;
- Pozicija Š4 Školska katedra **nije dostavljen certifikat/potvrda** da je stolica odgovara standardima EN 14322, EN 16893-1, EN 16893-2, ISO 7174-1, ISO 7173;

Nadalje ponuđač ne ispunjava kvalifikacione uslove tražene tačkom 4.4.1. i 4.4.2. - ponuđač treba popuniti obrazac za ponudu i cijenu ponude koji se nalazi u prilogu tenderske dokumentacije, u skladu sa svim podacima koji su definisani Aneksima 2. i 3., te ukoliko propusti popuniti obrazac za cijenu (Aneks 3) u skladu sa postavljenim zahtjevima za sve stavke koje su navedene i ukoliko bude mijenjao stavke u navedenom obrascu, ponuda će biti odbačena. Komisija je konstatovala da ponuđač nije popunio obrazac za cijenu ponude onako kako je to traženo navedenom tačkom tenderske dokumentacije. Naime na stranici br.30 ponude, za stavku br.9 (Pomoćni materijal za zavarivanje cijevi, cijevni lukovi i redukcije, zaptivni materijal, cjevne obujmice i nosači, brusne i rezne ploče i dr.50% od vrijednosti cijevi) nije data jedinična cijena niti ukupna cijena.

Iz naprijed navedenih razloga utvrđeno je da ponuđač „Sela“ d.o.o. Sarajevo ne ispunjava uslove tražene u tenderskoj dokumentaciji iz tački 3.4.2 e) 4.4.1. i 4.4.2., te je ponuda odbačena shodno članu 68. stav (4) tačka i).

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 69. stav (2) tačka d) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić